



**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. IV. De Instrumentorum Productione, Amissione, Renovatione, &
Interpretatione.

[urn:nbn:de:hbz:466:1-74990](#)

probandi habet ex confessione debiti, vel obligationis, quæ ex acceptatione, & non contradictione præsumitur, hæc confessio præsumi ante acceptationem non potest. Id multo magis verum est, si Litteræ nondum sint presentatae. Imò si non presentata sit Epistola ei, cui mittitur, neque contra scribentem probat; quia antecedenter ad acceptationem, & consensum ejus, cui scribitur, mittentem non obligat. Intellige, in con-

tractibus, qui requirunt consensum alterius, ut dicantur completi; nam si Epistola solum factum aliquod referat, aut obligationem non contrahendam, sed jam contractam, sufficit recognitio Epistola, ad quam citari pars, seu scribens debet à Judice: si non compareat citata, scriptura habetur pro recognita, si tamen hoc expressum fuit in citatione: quod etiam de alijs Instrumentis privatis dicendum est.

§. IV.

De Instrumentorum Productione, Amissione, Renovatione, & Interpretatione.

SUMMARIUM.

- 81. Quando Instrumenta produci debeant?
- 82. Cui edi?
- 83. Cujus sumptibus?
- 84. 85. 86. An totum Instrumentum, vel tantum pars?
- 87. 88. Requisita, ut productum probet in Judicio.

- 89. 90. Quid si actor fundet intentionem suam in Instrumento, quod dicit se amississe?
- 91. 92. Quid Juris universim, si amissum sit Instrumentum?
- 93. Quando Instrumenta innovari possint?
- 94. Quomodo interpretari debeant?

Quæritur 1. quando Instrumenta produci debeant? Bz. post litem contestatam, usque ad conclusionem in causa; post conclusionem in causa partes ad producenda Instrumenta regulariter non admittuntur. Sumitur ex c. cùm dilectus 9. b. tit. & docet Bald. in l. ampliorem 39. C. de appell. n. 5. Marfant. de Ord. Judic. p. 6. tit. de Instrum. product. n. 26. Hiltrop. p. 3. tit. 10. §. de Instrum. produc. n. 1. Wefenbec. ff. b. tit. n. 5. Pax Jordan. l. 14. tit. 20. n. 348. Vivian. in c. 9. cit. in Ration. Barbos. ibid. n. 1. Gonzal. n. 4. Vallens. hic §. 3. n. 1. Pirk. n. 40. Engln. 35. König. n. 33. Sannig. c. 4. n. 1. Wiest. n. 70.

Dixi 1. post litem contestatam; nam ante contestationem litis regulariter, & ordinariè produci non possunt: quod ita verum est, ut si quis ante litem contestatam instrumenta produceret, illa postea non probarent, nisi reproducantur lite contestata. Ratio est, quia ante contestationem litis nulla est lis, aut probatio.

Dixi 2. usque ad conclusionem in causa, nisi tamen certus terminus, seu tempus, intra quod Instrumenta omnia producenda sunt, fuerit constitutum: quod ex iusta causa à Judice fieri posse censet Durand. specul. tit. de Instrum. edit. §. 5. num. 1. Proceditque hoc, etiam si publicatio testium iam facta sit. Hinc disparitas est inter probationem ex Instrumentis, & probationem ex testibus; publicatis enim attestationibus non possunt produci novi testes, ut Tit. 20. à n. 122. ostensum est, possunt tamen post eam produci Instrumenta; quia in his cessat periculum subornationis, quod subest in productione testium. Extenditur, ut si ita necessarium

fit ad probationem Instrumenti producendi, non obstante facta aliorum testium publicatione, Notarius, & Testes, pro Instrumento deponentes, adhuc produci, & examinari possint; nam accessorium sequitur principale, igitur cùm licet Instrumentum post publicationem testium producere, licet etiam probare.

Dixi 3. post conclusionem in causa regulariter partes non admittendas ad producendā Instrumenta; nam conclusio in causa est terminus exclusivus omnium probationum, cùm facta conclusio, jam liquere dicatur de causa. Gloss. in c. significaverit 36. V. liquere de testib. Durand. l. cit. princ. Wiest. hic n. 72. Addidi autem regulariter; nam plures sunt Casus, quibus post conclusiōnem in causa Instrumenta produci possunt: quos Tit. 27. infra commodiū reseram.

Quæritur 2. an pars parti edere Instrumenta sua teneatur, item quoties, & cujus sumptibus? Bz. ad 1. patet ex Tit. 19. à n. 41. ubi dixi, et si actor teneatur edere Instrumenta sua reo, non tamen reum actori, nisi in easibus ibi exceptis. Inter hos primum posui, si Instrumenta non sint propria reo, sed communia utrique parti: quo casu litigans potest à Judice petere, ut is Adversarium ad istud cogat, qui si officium suum non faciat, & non curet ea edi, facit ab eo appellatur, & appellationis hujus ea vis est, ut quidquid post eam attentatum fuerit, non valeat, prout statuitur c. G. perpetuus 12. b. tit. & notant ibid. Vivian. in Ration. Barb. n. 1. Hiltrop. p. 3. tit. 11. §. de edit. actor. n. 3. Pirk. hic n. 45. Ratio est, quia tunc Judex denegando parti petenti sibi edi Instrumenta communia, eam

Uu
gra

gravat, ideoque ab hoc gravamine licet eisdem appellare, cùm ipsius intersit habere Instrumenta communia, per quæ probare poshit, suam intentionem principalem. Idem dicendum est de Protocollo; nam hoc ad petitionem partis exhibendum est ab eo, qui illud habet. Neque creditur Notario, si dicat se amisisse, etiam juranti, nisi hoc probet, aut alia præsumptiones concurrant.

§ 3. *Ad 2.* productio hæc Instrumentorum tantum semel peti potest, nisi iterum producendi causa iusta fuerit *l. suis 6. §. fin. ff. de edend.* quo casu Juramentum praefare debet is, qui illud petit iterum exhiberi, quod exigitur se falso posse redarguere, quod probatum est *l. cùm quidam 21. C. b. tit.*

Ad 3. productio Instrumenti fieri debet sumptibus producentis *l. Prætor ait 4. §. fin. ff. de edend.* Fagn. in *c. 12. cit. n. 13.* Pirk. hic num. *43.* Haun. tr. *4. cit. n. 602.* Hinc si Actor alleget Instrumenta existentia in loco distante, vel in aliquo Archivo, unde non facilè permittuntur extrahi, aut transsumptum fieri, eo casu sumptibus actoris, fundantis intentionem suam in his Instrumentis, destinari à Judice possunt personæ idoneæ, quæ videant *Originalē*, & de ejus substantia fideliter, & tanquam jurati testes referant Judici, nisi pars adversa ipsam malit accedere illum locum, & recognoscere, seu videre, an revera extant hujusmodi Instrumenta, qualia extare contra ipsum actor contendit.

Quæritur *3.* an totum Instrumentum edi, vel tantum in ea parte edi debeat, circa quam lis versatur? *Ratio dubitandi ex una parte sumitur ex c. contingit 5. b. tit. & l. argentarius 10. §. edi 2. ff. de edend.* ubi caveatur non esse integrè parti edendum, sed solum in Capitulo, de quo questio est, ne pars adversa ex alijs fortè nova litigia sufficeret. *Ex altera verò parte* Bonifacius VIII. *c. cùm persone 7. de privil. in 6. statuit, ut ij,* qui privilegio Apostolicae Sedis à locorum Ordinarijs exemptos se afferunt, requisitioneantur privilegia hujusmodi ostendere ipsis Ordinarijs, & ad legendum integraliter exhibere.

Difficultate istius textus opprefsi Innoc. Felin. Butrio ad *c. 5. cit.* putarunt istius Constitutionem perposteriorem Bonifacij decisionem correctam esse. Sed quia correctio Jurium, quantum fieri potest, vitari debet, hinc melius difficultas hæc solvit viâ distinctionis, videlicet dicendo, Instrumentum, Privilegium, Indulgentiam &c. quam pars allegat, totum tradendum Judici, ut id coram eo, & parte adversa legatur; si tamen plura habeat capitula, sufficere, si parti edatur solum illud Capitulum, de quo est quaestio. Ita Abb. in *c. 5. cit. not. 1.* Bartol. in *l. argenta-*

rius cit. §. edi cit. Gaill. l. 1. obs. 106. n. 10. Hiltrop. p. 3. tit. *11.* §. de form. edit. instrum. n. 2. & seqq. Pax Jordan. l. *14.* tit. *20. n. 367.* Vallens. hic §. *4. n. 2.* Pirk. n. *47.* & seqq. Wiesl. hic n. *74.*

Dixi *1.* *Judici tradendum totum Instrumen-*
tum &c. & quidem in originali, si Judex sic petat; ad quod etiam officio Judicis Instrumentum producens cogi potest: & hoc probat *c. personæ cit.* Ratio est, quia Judicis est cognoscere, an Instrumentum sit authenticum, vel legitimum, & an revera articulus, ut pars allegat, in eo continetur: quod difficulter cognoscet, nisi toto Instrumenti tenore inspecto, & intellecto.

Dixi *2.* *sufficere, si parti edatur Capitulum, de quo est questio:* & hoc probat *c. contingit cit.* Ratio est, quia non debet dari anfa, seu occasio litibus, quam facilè ariperre pars adversa posset, si Instrumentum parti ederetur totum. Accedit, quia si Instrumentum totum ederetur parti, & quidem in Originali, sicut editur Judici, facile contingere posset, ut illud interiret, vel amitteretur. Extenditur, hoc etiam ad Testamentum; nam nec illud integrè edendum est Legatario, sed ejus tantum partis, quæ ad eum pertinet, & Legatum continet, copia ipsi tradendum est, cùm plus habere non debeat. Barbos. in *c. 5. cit. n. 2.* Debet tamen Copia dari parti ex illo Capitulo Instrumenti, de quo est questio; quia universaliter tam actor, quam reus edere Instrumenta debet, quibus usurpus est in Judicio *l. quid quisque 1. §. edere 1. ff. de edend.*

Dixi *3.* *totum Instrumentum coram 86 Judice, & parte adversa recitandum:* quod ideo fit, ut, quemadmodum dixi, totus Instrumenti tenor percipiat. Neque in recitatione tantum periculum est, ut suscitentur novæ lites, sicut si totum Instrumentum communicaretur parti, vel ejus totius Copia; nam ex sola prelectione non tam plena hauritur notitia, quanta si Instrumentum ipsum, vel ejus totius Copia traderetur parti, cuius contenta pluribus diebus, & noctibus volvere possent Advocati, & inde ansam litigandi assumere.

Dixi *4.* *si plura habeat Capitula, intellege, quæ non sint connexa;* nam siquod conexum sit cum eo, de quo est questio, etiam illud edi debet. Hinc si ex Lectione privilegij, vel Instrumenti appareat Capitula esse connexa, ita ut unum sine alio non possit bene intelligi, Judex præcipere potest, ut totum Privilegium, vel Instrumentum edatur, sive ejus Copia tradatur non tantum Judici, sed etiam parti adversa, ut rectè monet Laym. in *c. 5. cit. n. 4. in fin.* tunc enim totum Instrumentum ad discussionem controversiae venit.

Quæritur *4.* quid ultra productionem *87* Instrumenti, vel Scripturæ propria contra aliquem requiratur, ut contra eundem probet? *Et* sequum est, ut is, cuius Scriptura, aut Si-

gillum

gillum producitur ad aliquid probandum, habeat facultatem inspiciendi, & recognoscendi, an sua sit Scriptura, vel Sigillum.

Ut legitima sit recognitio, debet 1. Fieri coram Judice; nisi recognitus haberet causas relevantes, ut recognitio haec domi suæ fiat, quales sunt Matronæ honestæ, valitudinarij, Personæ egregiæ, quæ non solent in Judicijs in persona propria comparere, ut dictum est *tit. prec. n. 8. § duob. seqq.*

2. Recognoscens debet esse prædictus usuationis: unde recognitio ab ebrio facta eidem nec nocet, nec prodest, nisi eam confirmet deinde ebrius.

3. Debet esse ipse, qui scriptis, vel qui Sigillum suum appreserit, aut si ab alio appresum est, is, cuius nomine appressum est; nam hujus causa agitur. Si tamen hic vel non posset, vel per contumaciam non vellet comparere ad recognoscendum, possunt ad hoc admitti personæ conjunctæ, si tamen alijs minimis adjuventur, prout in Camera obser-vatum testatur Rulandus: item subditi loco domini, si tamen Juramento fidelitatis, & subjectionis prius soluti sint, prout in Camera pronuntiatum testatur Haun. *tom. 5. tr. 4. n. 598.* Et denique Procurator pro suo principali, si tamen ad hoc speciale mandatum habeat. Si Procurator neget esse manum Domini sui, vel ejus Sigillum, debet exigi ab ipso Domino recognitio, qui si neget etiam ipse, alterius partis est probare, ut dictum est *supr. n. 60.*

Porro hac recognitione solum opus est in Instrumentis privatis; nam in Publicis sufficit, si Judex ea agnoverit, et si pars adversa reclamet, nisi coniuetudo contrarium habeat, sicut in terris Saxoniae habere testatur Berlichius.

Quaritur 5. num audiendus sit Actor, qui fundat intentionem suam super Instrumento, quod quidem dicit se amississe, adducit tamen testes, qui attestantur super Instrumenti tenore? *v. distingueendum esse inter testes:* Vel enim testes, qui ab Actore hoc producuntur, tales sunt, ut non tantum deponant super Instrumenti tenore, sed etiam de ipso facto, & contractu coram se gesto, vel tantum afferunt se tenorem Instrumenti legisse, eumque talem esse, qualiter actor affirmat.

Si primum, non est dubium hos testes perinde probare, acsi Instrumentum ipsum exhibetur; quia duobus testibus omni exceptione majoribus, qui de sensu proprio attestantur, perequè creditur, ac Instrumento Idque multo magis verum est, si una cum testibus Notarius ipse, qui Instrumentum conficit, de eodem deponat; nam probatio Instrumenti non in charta, & membrana consistit, ed in fide Notarii, & testium.

Si secundum, necesse est 1. ut proberetur amissio, saltem per Juramentum amittentis, si aliae probationes deficiant. 2. Ut amittens usurus Instrumento amissio producat duos sal-

tem testes omni exceptione maiores, qui deponant super tenore Instrumenti, & si nullus attestetur illud sine vitio, aut suspicione falsitatis fuisse: quæ si concurrant, satis probatus censeri debet esse tenor Instrumenti amissi, ut cum alijs advertit *Mascard. de probat. concl. 909.* conf. etiam intentio actoris, fundantis se in tali Instrumento, satis probata censebitur.

Bene autem norat Engl *bic n. 53.* probationem hanc non fore tantam, acsi produc-tam suisset ipsum Instrumentum; nam aliud est dicere *Ita fuit Instrumentum*, & aliud, *Ita contigit, ut scriptum est.* Accedit, quia de integritate Instrumenti judicare ad solum Judicem pertinet: & hinc Exempla transumpta etiam à Notario, si transumptio sine autho-ritate Judicis facta sit, secundum dicta *n. 32.* non plenè probant. *Hoc tamen negari non potest*, quod ejusmodi probatio faciat vehe-mentem præsumptionem, quæ vim saltem semiplena probacionis habeat, & sic locum det Juramento suppletorio.

Quaritur 6. quid universum Juris sit, quando amissum est Instrumentum? *v.* tripli modo amissio Instrumenti potest contingere, sc. casu fortuito, facto proprio, & facto Adversarij.

Si casu fortuito amissum sit Instrumentum, amissio non prajudicat creditori, quin adhuc petere debitum, illudque alijs legitimis modis probare possit *l. debitores i. C. b. tit.* quia Instrumentum tantum est loco probatio-nis, quæ suppleri potest. *Excipe*, nisi Instrumentum, seu Scripturalis de essen-tia contractus, vel quia ita conventum est inter partes, ut contractus in scriptis celebre-tur, vel quia Lex hoc exigit, ut in contractu Emphyteutico; item in Testamento solenni, in scriptis condito; tunc enim non creditur Actoris nuda assertioni dicentis Instrumentum se amississe, sed ut *n. prec. dictum est*, per testes, vel alia Argumenta idonea probare debet casum fortuitum, & Instrumenti te-norem.

Si facto proprio amissum est Instru-mentum, ut quia Creditor debitori chirogra-phum reddidit, aut quia statim spe futura solutionis illud laceravit, id ipsum creditor probare debet; quia tum pro debitore stat libera-tionis præsumptio, quamdiu contrarium non probatur, ut habetur *l. Labeo 2. S. § ideo i. ff. de pat. & l. si chirographum 24. ff. de probat.*

Si denique amissio Instrumenti conti-git facto Adversarij, v. g. quia illud laceravit, corrupti, aut subtraxit, sufficit, si usurus In-strumento per solum Juramentum probet contenta, & valorem Instrumenti: quo facto perinde procedetur, acsi plenè probatum esset debitum per Instrumentum, ut statuitur *l. side possessione 20. C. de probat.* Ratio est, quia pars lacerans, aut subtrahens Instrumentum, parti alteri copiam probationis subtraxit: unde cum dolus suus nemini prodesse debeat,

U u 2 imò

imò in casu hoc præsumptionem faciat Instrumentum parti subtrahenti non favere, in ponam doli merito decretum est, ut debitum pro probato habeatur non aliter, ac si exhibatum fuisset Instrumentum ipsum. *Excipitur*, si agatur causa Ecclesie, ut constat ex c. *acepsimus 4. b. tit.* nam hæc admittenda est, si alio modo e. g. per testes ostendere velit falsitatem Instrumenti per Procuratorem, Prælatum, vel Officiale suum subtracti; quia delictum personæ non debet nocere Ecclesie juxta Reg. 76. in 6. maximè si committendo fiat, & extrajudiciale sit.

Universum, ne amissio Instrumento pereat, vel faltem minuatur vis probationis, consultum est interdum confici plura Originalia Instrumenta, ut sic uno amissio, habeatur alterum. Siquis unicum tantum Originale habeat, quod transferri fecurum non sit, suadetur, ut illud vidimari, seu transcribi curet, adhibito Notario publico, & alijs cautelis, quas n. 31. retuli: nam ut ibidem dixi, tali Transcripto, seu *Vidimus*, ut vulgo appellare solent, amissio Originali, par fides habetur, ut ipsi Originali, si exhiberetur.

93. Quæritur 7. quando Instrumentum innovari possit? *R.* si periculum sit, ne corrumpat, cum veritate consumptum sit. Ita de Instrumentis Privilegiorum decrevit Innocentius III. c. *cum dilecta 4. de confirm. util. ex ratione*, ne veritas occultetur, & probandi copia fortuitis casibus subtrahatur: quæ ratio cum militet in quibusunque alijs Instrumentis, etiam Constitutio dicta merito ad hæc extenditur. Neque opus est, ut lis ante sit contestata, aut renovatio fiat præsente par-

te; quia, ut n. 31. dictum est, quando periculum est in mora, Exemplum transumptum etiam sine partis citatione fidem obtinet; nam etiam eo casu recipi depositiones testium ante litis contestationem, & partis citationem possunt, ut habetur c. fin. §. sunt & alij. ut lit. non contex. igitur cum Instrumenta communiter pari passu cum testium depositione ambulent, idem dicendum de renovatione Instrumentorum, casu, quo in mora periculum est, ne alias Instrumentum pereat. Accedit, quid res ista sit modici, & facile reparabilis præjudicij, ut adeo litis contestatione opus non sit.

Quæritur 8. quomodo interpretari debent Instrumenta? *R.* esse strictæ interpretationis; nam stricti sunt Juris. Hinc extendi non debent extra illa, quæ in ijs continentur, sed præcisè sistendum in terminis, & propria horum significatione: imò etsi Notarius quid posuisset in Instrumento, si tamen propria autoritate, & non rogatus illud in Instrumento posuit, aut si illi Articulo non interfuit, quoad illum vim probandi Instrumentum non haber; nam quoad ea, de quibus rogatus non est, aut quibus ipse non interfuit, fidem publicana nullam habet. Multo minus extendi Instrumentum debet per interpretationem iniquam in præjudicium tertij; quia ut n. 31. de Exemplo dixi, Instrumentum non præjudicat, nisi illis, inter quos factum est, non verò alijs. *Exice*, si successor actoris, vel rei sit; nam ad successores erant singulares, extenduntur Instrumenta, ita, ut pro his, & contra illos & quæ fidem faciant, atque contra actorem, cuius jure utuntur. Welenbec. ff. b. t. n. 7.

S. V.

De Impugnatione Instrumentorum.

S U M M A R I U M.

93. Modi, quibus Instrumenta impugnantur.
96. 97. Quomodo impugnantur ratione Contrarietatis?
98. 99. 100. Ratione Sigilli?
101. 102. 103. Rasuræ, Liture, Cancellationis?
104. 105. Quomodo Instrumentum impugnetur, per testes inscriptos?

106. 107. 108. Quomodo per extraneos?
109. 110. 111. 112. Quibus alijs modis probetur falsitas Instrumenti?
113. 114. An ex parte falso in totum corrut?
115. An, & quando fideli Instrumenti officiat Simulatio?

95. Quæritur 1. quot modis Instrumenta impugnantur? *R.* impugnari possunt ex tot capitibus, quot possunt esse diversi eorum defectus patet autem ex præcedentibus, ex pluribus capitibus contra eadema posse excipi. Et 1. quidem ratione cause efficientis, quod factum sit ab eo, qui non fuit Notarius, vel etiam esse non potuit, ut quia servus, infamis, illegitimus, indoctus, excommunicatus &c. 2. Ratione cause materialis, quod factum sit super negotio, de quo non potuit confici Instrumentum, v. g. quia res illicita est, vel non

inter homines gesta, aut à voluntate humana non dependens. 3. Ratione cause formalis, quod non habeat illas solennitatis, quas n. 12. per ordinem enarravi. 4. Ratione productionis, & publicationis, quod non sit debite productum, & publicatum, non ostensum in Originali, sed tantum in Copia, vel Exemplo; nam juxta c. si scripturam 1. b. tit. & l. quicunque 2. ff. cod. Instrumenta Originalia, non verò Copia, aut Exempla in Judicio producenda sunt. 5. Ratione ipsius Instrumenti contra Instrumentum excipi potest, quod sit falso, aut suspectum de falsitate. Por-